



勅脩百丈清規卷下

大智壽聖禪寺住持臣僧德輝奉勅重編
大龍翔集慶寺住持臣僧大訢奉勅校正

兩序章第六

兩序之設爲衆辦事而因以提綱唱道黼黻宗猷至若司帑度
歷庶務世出世法無不閑習然後據位稱師臨衆馭物則全體
備用所謂成己而成人者也古猶東西易位而交職之不以班
資崇卑爲謙今岐而二之非也甚而黨鬪強弱異勢至不相容
者有矣惟主者申祖訓以戒之欲其無爭必慎擇所任使各當
其職人無間言可也

西序頭首

前堂首座 表率叢林人天眼目分座說法開鑿後昆坐禪領眾謹守條章齋粥精粗勉諭執事僧行失儀依規示罰老病亡歿垂恤送終凡眾之事皆得舉行如衣有領如網有綱也雖大方尊宿若住持能以禮致之亦請充此職謂之退位爲人如文殊爲七佛師猶助釋迦揚化爲眾上首吾宗睦州於黃檗雲門於靈樹光昭前烈詒訓後來名位之重可輕任耶

祖庭事苑云首座即古之上座梵語悉替那此云上座一耆年二貴族三先受戒及證道果今禪門所謂首座者必擇其已事已辦眾所服從德業兼修者充之

後堂首座

位居後板輔贊宗風軌則莊端爲眾模範蓋以衆多故分前後齋粥二時過堂及坐禪則後門出入如缺前堂住持別日上堂白眾請轉前板插單唱食其坐禪坐叅只眾察前第三下板即入堂不必鳴首座察前板餘行事悉與前堂同書記 即古規之書狀也職掌文翰凡山門榜疏書問祈禱詞語悉屬之蓋古之名宿多奉朝廷徵召及名山大刹凡奉

聖旨勅黃住持者即具謝表示窈有遺表或所賜所問俱奉表進而住持專柄大法無事文字取元戎幕府署記室叅軍之名於禪林特請書記以職之猶存書狀列於侍者使司方丈私下書問曰內記云而名之著者自黃龍南公始又東山演祖以是

職命佛眼遠公欲以名激之使兼通外典助其法海波瀾而先
大慧亦嘗充之凡居斯職者宜以三大老爲則可也

知藏 職掌經藏兼通義學凡看經者初入經堂先白堂主同
到藏司相看送歸按位對觸禮一拜此古規也今各僧看經多
就衆寮而藏殿無設几案者然充其名當盡其職函帙目錄常
加點對缺者補完蒸潤者焙拭殘斷者粘綴若大衆披閱則藏
主置簿照堂司所排經單列名逐函交付看畢照簿交收入藏
庶無散失推原吾宗既曰教外別傳猶命僧專司其藏者何也
以佛之所言所行爲教律而僧有不遵佛之言行乎特吾之所
證所得不溺於文字而超乎言之表以見夫自性之妙焉又

祖之意欲吾徒徧探諸部與外之百氏期以折衝外侮應變無
窮所謂不即不離者是也後以衆多列東西藏

知客 職典賓客凡官負檀越尊宿諸方名德之士相過者香
茶迎待隨令行者通報方丈然後引上相見仍照管安下去處
如以次人客只就客司相款或欲詣方丈庫司諸寮相訪令行
者引往其旦過寮床帳什物燈油柴炭常令齊整新到須加溫
存維那在假則攝其行事僧堂前檢點行益客僧粥飯遇亡僧
同侍者把帳暫到死主其喪雪竇在大陽禪月在石霜皆典此
職毋忽

知浴 凡遇開浴齋前掛開浴牌寒月五日一浴暑天每日淋

汗鋪設浴室掛手中出面盆拖鞋腳布參頭差行者直浴齋罷
浴頭覆維那首座住持畢鳴鼓三下浴聖桶內皆著少湯燒香
禮拜想請聖浴次第巡廊鳴板三下徧鳴鼓第一通僧衆入浴
第二通末頭首入浴第三通行者入浴此時住持方入以屏風
遮隔而浴第四通人力入浴監作行者知事居末浴就彈壓之
併點視令息竈中火及炭煤水洒乾淨有餘柴搬於遠處其入
浴資次當刊揭浴室外今時謂住持殿頭首後浴知事殿行者
則不用設屏障不入小閣內只頭首板頭解衣室內掛小板旁釘小牌書云鳴板一聲
添水三聲則止以此爲節如施主設浴則課經回向能妙觸宣明成佛子住
則功不浪施矣

知殿 掌諸殿堂香燈時時拂拭塵埃嚴潔几案或遇風起須
息爐內香火及結起幡腳防願使勿近燈燭施主香錢不得互
用佛誕日浴佛煎湯供大眾四齋日開殿門以便往來瞻禮
侍者燒香書狀請客侍者之職最爲近密觀道德於前後聽教誨於
朝夕親炙叅扣期法道底于大成而禮節常宜恭謹慶喜之侍
瞿曇香林之侍雲門佛祖重寄其可忽諸

凡住持上堂小叅普說開室念誦放叅節臘特爲通覆相看掛
搭燒香行禮記錄法語燒香侍者職之 凡住持往復書問製
作文字先具草呈如闕書記山門一應文翰書狀侍者職之
凡住持應接賓客管待尊宿節臘特爲具狀行禮請客侍者職

之或維那知客俱不赴衆或在假其行事三侍者皆當攝之或書狀不當干涉餘事無據若住持久出則歸衆行立暫出則不離班位

衣鉢侍者班不立先輩多以叢林老成之士為之蓋能納忠救過

羅致人才內外庶事通變圓融庶幾上下雍肅如密菴有如侍

者而得松源世其家東叟得昇首座而家法益嚴今諸方往往

任後生晚輩甚至敗德悞事可不慎歟

湯藥侍者班立朝暮供奉方丈湯藥左右應接佐助衣鉢侍者撫

恤近事行僕或暫缺侍者客至通覆燒香或缺人回向皆宜攝

行須擇年壯謹愿者充之

聖僧侍者不立班在衆後行道堂外粥飯貴有道心齋粥二時上供鳴下堂推

朝夕交點被位中夜剔燈同維那交收亡僧唱衣錢住持遷化把帳頭首秉拂則為燒香或代鳴椎念佛職滿在本山當預侍者名退耕斷橋二老在衆時常充此職以能結衆緣而勵志于道也

東序知事

都監寺 古規惟設監院後因寺廣衆多添都寺以總庶務早

暮勤事香火應接官員施主會計簿書出納錢穀常令歲計有

餘尊主愛衆凡事必會議稟住持方行訓誨行僕不妄鞭捶設

當懲戒擯罰亦須稟議量情示警毋縱威暴激變起訟差設莊

庫職務必須公平毋用私黨致怨上下昔叢林盛時多請西堂

首座書記以充此職而都監寺亦充首座書記否則必臘高歷
事廉能公謹素爲衆服者充之既無取於公而道福殊勝上下
美留雖連年不易或數請再充又何傷焉故所在單寮勤舊不
滿五六人副寺以下非歷三次不歸前資監寺非三次不歸蒙堂
都寺非三次不得居單寮再請出充者公界封鑰元房以避嫌
疑齋粥二時必赴堂則行僕行益自然整肅如楊岐之輔慈明
石窻之輔宏智可爲法則

僧史曰知事三綱者若綱罟之巨繩提之則百目正矣梵語
摩摩帝此云寺主即今之監寺也又大集經云僧物難掌我
聽二種人掌三寶物一阿羅漢二須陀洹更復二種一能持

淨戒識知業報者二畏後世罪有諸慙愧者

維那 綱維衆僧曲盡調攝堂僧掛搭辨度牒真僞衆有爭競

遺失爲辨析和會戒臘資次床曆圖帳凡僧事內外無不掌之

舉唱回向以聲音爲佛事病僧亡僧尤當究心每日二時赴堂

堂前鐘鳴離位入堂聖僧前左手上香退兩步半問訊合掌而

入椎邊立先看逐日回向神示名位鐘鼓絕鳴椎一下衆展鉢

已再鳴椎一下合掌默回向當日神示左手按砧舉云仰憑大衆念清

淨法身毘盧遮那佛圓滿報身十號云云右手鳴椎高不過五寸聲絕方下椎急緩

合度俟首座唱食至第三句將畢轉身退至立僧板頭立俟行

食徧進前鳴椎一下合掌至聖僧前問訊出堂歸鉢位若施主

齋僧行齋徧食推後從聖僧後轉左邊朝首座問訊復鳴椎一下而出爲請施財也或有他緣或暫假出入將戒臘簿假簿堂司須知簿親送過客司令攝之

寄歸傳云維那華梵兼舉也維是綱維華言也那是梵語羯磨陀那刪去三字從略此云悅衆也又十誦律云以僧房中無人知時打捷寒推音地又無人塗治掃洒講堂食處無人相續鋪床衆亂時無人彈壓等佛令立維那又聲論翻爲次第謂知僧事之次第也

副寺 古規曰庫頭今諸寺稱櫃頭北方稱財帛其實皆此一職蓋副貳都監寺分勞也掌常住金穀錢米麥出入隨時上

曆收管支用令庫子每日具收支若干僉定飛單呈方丈謂之日單或十日一次結筭謂之旬單一月一結一年通結有無見管謂之日黃總簿外有米麵五味各簿皆當考筭凡常住財物雖毫末並是十方衆僧有分如非寺門外護官負檀越賓客迎送慶吊合行人事並不可假名支破侵漁其上下庫子須擇有心力能書筭守已廉謹者爲之病僧合用供給之物即時應付如倉庫踈漏雀鼠侵耗米麥蒸潤一切物色頓放守護有不如法者並須及時照管處置

典座 職掌大衆齋粥一切供養務在精潔物料調和檢束局務護惜常住不得暴殄訓衆行者循守規矩行益普請不得怠

慢撫恤園夫栽種及時均俵同利二時就厨下粥飯食不異衆粥飯上桶先望僧堂焚香設拜然後發過堂

直歲 職掌一切作務凡殿堂寮舍之損漏者常加整葺動用什物常閱其數役作人力稽其工程黜其游惰毋縱浮食蠹財害公田園莊舍碾磨碓坊頭疋舟車火燭盜賊巡護防警差撥使令賞罰惟當並宜公勤勞逸必均如大修造則添人同掌之

列職雜務

寮元 掌衆寮之經文什物茶湯柴炭請給供需洒掃浣濯淨髮梳巾之類每日粥罷令茶頭行者門外候衆至鳴板三下大衆歸寮寮長分手寮主副寮對面左右位副寮出燒香歸位茶

頭喝云審不大衆和南遇旦望點湯鳴板集衆燒香行湯如常禮

寮主副寮 凡安衆處寮元照戒次自下而上請充之寫定名

字預貼牌上十日一替佐寮元辦事旦暮僧衆歸堂巡視經案或有遺忘什物者眼同收拾付還及交點本寮什物提調香燈茶湯毋容外人止宿及寄賣物件猶預定望寮一名使以次挨補副寮若寮主遇滿從維那請交代副寮遇滿從寮元請交代延壽堂主 看視病僧湯藥油燭炭火粥食五味常備供須公界倘缺若自己豐裕結緣應付或勸化施主措辦床席衣被狼籍穢污爲其洗浣毋生憎嫌八福田中直病爲第一也 淨頭 掃地裝香換籌洗厠燒湯添水須是及時稍有狼籍隨

即淨治手巾淨桶點檢添換凡供此職皆是自發道心將交替時堂司預出小榜云下次淨頭缺人如願結緣者收榜白堂司然後覆住持請充之

化主 凡安衆處常住租入有限必藉化主勸化檀越隨力施與添助供衆其或恒產足用不必多往干求取厭也

園主 不憚勤苦以身率先栽種菜蔬及時灌溉供給堂厨毋使缺乏

磨主 兼主碓坊米麵供衆極有關係須擇有道心人諳曉春磨等事者充之

水頭 五更燒湯供大衆盥手巾面盆燈燭牙藥毋令缺少

冬月烘焙手巾須早起鋪排勿致臨時動衆念

炭頭 預備柴炭以禦寒事或化施主或出公界須令足用

莊主 視田界至修理莊舍提督農務撫安莊佃些少事故隨時消弭事關大體申寺定奪近時叢林凋弊百出而莊中尤甚略舉其三諸方通害初爭莊職安能徧及構怨住持上下不睦一也一充其職離寺相遠靡所不爲致爭起訟供衆錢糧盡皆耗費復積逋負以累于後因而紀綱不振莊佃生侮租課不還其弊二也縱使老成能事充之而州縣應酬吏胥管幹鄉都職役鄰里富豪皆合追陪既啓其端稍有不及便生釁隙雖不明支而巧立除破公私無益故莊中之費或半於寺其弊三也只

如大家業產巨富不聞分遣子弟徧居莊所蓋耕種有佃提督
則有甲幹收租之時自有監收僧行此外縱有輸納修圩俵糧
等項只臨時分委勤舊知事限期使辦事畢旋歸非唯省費有
補常住而消禍未萌公私攸濟今諸方之廢如逃亡家住持勤
舊能恤念寺門欲擲費救弊汰除濫冗請自此始其初例有當
重難而應充莊職者別議酬補之

諸莊監收 古規初無莊主監收近代方立此名此名一立其
弊百出爲住持私任匪人者有之因利曲徇者有之爲勤舊執
事人連年佔充者有之托勢求充者有之樹黨分充者有之角
力爭充者有之蠹公害私不可枚舉雖欲匡救末如之何倘得

廉正勤舊輔佐住持公選區用或對衆闡拈充之充此職者當
克己爲念奉衆爲心毋苛取佃戶毋虧損常住則自他俱利矣

請立僧首座

其事嚴重不可輕舉如大方西堂名德首座行解素爲衆所推
服者委曲陳情如有允意特爲上堂言此間多衆宜得當人相
與建立法幢開大爐鞴山中幸有某人知見高明慧命所寄少
刻下座同兩序大衆拜請爲衆開室伏望慈悲特垂開允下座
方丈行者以杵袱盛入室普說二牌即於座下同大衆拜請詞
云大衆傾心久思示誨受請人隨詣方丈炷香觸禮拜謝詞云
伏望慈悲特賜開允
某甲幸獲依棲貴園答云佛法寄重謝已堂司行者鳴僧堂
拙旣蒙見幸不敢有違

鐘大眾同送歸寮住持對觸禮一拜送出次與大眾問訊維那
詣寮議請侍者一人掛普說牌預鋪設照堂禪椅拂子主文爐
燭鳴鼓一通眾集立定立僧歸位維那出班燒香同大眾再下
拜伸請立僧跌座兩序問訊住持問訊立僧普說竟維那同大
眾再下拜伸謝立僧即懷香詣方丈致謝兩展三禮詞云既蒙
勉顏承當慈悲仍往庫司諸寮舍問訊方丈備草飯請特為湯
包荒不勝愧悚藥石至晚湯果兩序光伴立僧侍者預席次日住持請僧堂特
為茶請客侍者具茶榜後式見詣寮插香拜請禮與特為新首座
同立僧當特為首座大眾茶與前堂特為後堂大眾禮同別日
方丈管待請兩序光伴

請名德首座

住持須預稟露如有允意方丈先請茶兩序光伴即鳴鼓陞座
更不報眾住持委曲致懇下座與大眾同伸拜請鳴鐘送歸寮
茶湯管待禮與前同進退不混兩序無交代也

榜

堂頭和尚今晨齋退就雲堂點茶特為
新命首座聊旌陳賀之儀仍請

式

諸知事 大眾同垂 光伴
今月 日侍司 某敬白

兩序進退

頭首務擇才德相當者為之而近之庸流責以飲食延接為事
使守貧抱道之士愈甘退藏叢林何由歆艷住持當革其弊可
也知事古規只列監院維那典座直歲庫頭五員而已職滿鳴

推白衆告退歸堂隨衆初無單寮榻位故叢林鼎盛近來諸方大小勤奮動至百數僕役倍之而僧堂闕無一人泰定間脫歡丞相領行宣政院分上中下三等寺院額定歲請知事負數正爲此也宜遵行之凡職事將滿預詣方丈稟退如擇進退日定住持令行者報兩序知當晚昏鐘鳴舊知事一班詣方丈挿香告稟觸禮一拜納庫記鑰匙而退就中或有再留者住持隨送到庫司侍者燒香點湯勉留次早五更鐘鳴頭首一班懷香詣方丈觸禮一拜告退或有留者亦同前禮點湯留之住持以擇定人名日子并西堂勤舊令客頭行者請粥罷會茶其舊知事一班候僧堂行粥徧從後門入土首鳴椎一下云白大衆其等昨蒙堂頭和

尚慈旨令歸庫司今來心力疲倦告退歸堂隨衆謹白再鳴椎一下從聖僧左出住持前兩展三禮初展云某等昨蒙甄錄自媿匪才下情無任愧悚之至再展叙寒温畢觸禮三拜

退身從聖僧右出聖僧前大展三拜轉身從首座板起巡堂一匝中間問訊而退粥罷行者守請新人至寢堂獻茶畢住持躬起燒香一炷歸位白云前兩序告退此務不可缺人拜請某人充知事某人充頭首逐一標名白訖住持

出就爐前立侍者揖請新人至住持前對觸禮一拜新知事同進前兩展三禮初展云某等乍入叢林諸事生疎過蒙使令下情不勝恐懼之至再展云即日

謹時共惟堂頭和福觸禮三拜住持答一拜新頭首進前兩展三禮致詞同前轉位獻湯咸淳規揖坐揖香揖湯至今諸方行之或謂當晚有特爲此可免講不講在住持意罷謝禮或展或免供頭鳴僧堂鐘大衆歸鉢位立定住持入堂

先送前堂首座以次頭首隨歸鉢位各觸禮一拜次送後堂對
觸禮一拜新知事一班預立於西堂板頭住持歸位維那住
持前問訊側立如維那已退則知住持付目子與之當面問訊
從聖僧後轉鳴椎一下云白大衆前知事告退此務不可缺人適
充其職復鳴椎一下侍者即揖請新知事一班至住持前觸禮
謹白請知又鳴椎一下知事一班兩展三禮致詞並
與前同
一拜維那白云請知又鳴椎一下知事一班兩展三禮致詞並
與前同
知事轉聖僧後右出聖僧前排立大展三拜維那引巡堂一匝
歸中問訊橫退過西堂板頭立堂司行者喝云大衆禮賀普同
新知事
觸禮一拜畢又喝云謝大衆普同觸禮一拜畢又喝云送大衆
新知事
知事歸庫司供頭行者鳴僧堂鐘住持送入對觸禮一拜送住持出

與舊人交代互轉身對觸禮一拜送舊人出侍者先賀次頭首

領衆賀畢行者喝云大衆送新
首座歸寮再鳴鐘送賀畢喝云大衆送新維
那歸堂司

又鳴鐘送賀畢逐一喝云兩班勤舊送新後堂首
座書記藏主知客歸寮送賀交代禮

並同前又各喝云大衆送舊首
座都寺歸寮亦鳴鐘送賀畢各喝云兩班勤
舊送以

觸禮一拜不送出然後受賀俱畢新舊人各懷香即詣方丈拜

謝新人香係庫司備謝畢新舊人同巡察方丈請半齋點心齋

時草飯仍請西堂勤舊光伴列職雜務待請兩序了別日詣堂

司告退次第擇人交替

掛鉢時請知事

有處住持不先和會默擇人定預分付堂司行者於僧堂早粥罷掛鉢時喝云大衆少立維那入聖僧前燒香巡堂一匝至住持前問訊側立住持付所請人名目子接訖當面問訊從聖僧後轉鳴椎一下云白大衆適奉堂頭和尚慈旨請某人充某知事逐一白訖侍者揖請新人至住持前受職與前禮同回方丈會茶請頭首禮並同前

四侍者進退

請兩序畢舊侍者隨住持上方丈咨稟云其等又侍和尚今欲告退隨衆辦道伏望慈悲插香大展三拜而退住持批下堂司請新侍者維那令行者照批請仍請寮元勸請同就堂司茶揖入燒香點茶畢起身再燒香白云滴奉堂頭和尚慈旨令請某甲上座充某侍者逐一白訖揖受請人進前普觸

禮一拜轉位維那行禮揖坐揖香歸位坐獻湯畢引上方丈住持出維那進前稟云適奉慈旨令請某人充某侍者今引炷香禮拜住持據坐新侍者

插香大展三拜畢維那送歸寮對觸禮一拜侍者送出却與舊

人交代頭首禮同

咸淳規載亦有住持自送侍者歸寮侍者當觸禮一拜送出至大規載若名德之士住持

躬送入寮對觸禮一拜維那作賀而已勿視為常

方丈行者直廳轎番拜賀堂司行者

引新舊侍者同巡察畢新侍者再上方丈炷香拜謝舊侍者早晚伺同新侍者方丈問訊三日後住持批下堂司送歸衆寮與維那交互對觸禮一拜送維那出次與寮元問訊畢仍上方丈炷香拜謝聖僧侍者係維那擇人和會充職後引上方丈禮拜隨例茶湯點心管侍

四 寮舍交割什物

寮舍什物常住置辦不易往往職事人視為傳舍臨進退時鄉人各自搬移蕩然一空使新入寮者茫無所措未免具數到庫司需索不至因此上下唇吻不安設若應副重費常住庫司當置總簿具寫諸寮什物住持知事僉定仍分置小簿付諸寮兩相對同新舊相公交割損者公界修補缺者本寮賠償將進退數日前副寺帶行者賚簿到各寮預先點對分曉責在本寮人僕毋得走失違者賠償或有增添數目隨即對同附簿庶可稽考也

四 方丈特為新舊兩序湯

請客侍者令客頭行者備梓袱爐燭詣新舊前堂首座虔炷香觸禮一拜稟云

堂頭和尚請參前就寢堂特為獻湯

次新舊都寺前炷香無拜詞

語同前以次新舊兩序令客頭請并請勤舊光伴釘掛寢堂鋪設坐位光伴分手新頭首一出新知事二出舊頭首三出舊知事四出餘勤舊預光伴者列主伴兩邊西序居左東序居右燒香侍者預排照牌至時鳴鼓客集同請客侍者行禮

小座湯至禮同

晚湯果次日粥罷請新舊人茶庫司亦請茶然不及赴赴方丈茶罷却往致謝半齋庫司點心仍提調送舊人粥飯三日

四 堂司特為新舊侍者茶湯

草飯罷維那令堂司行者請新舊侍者并聖僧侍者參前就寮

獻湯堂司設位排照牌請寮元光伴鳴寮前板接入揖坐禮與庫司同
當在方丈特為湯之先庶不相妨行禮候方丈特為新首座茶
罷則堂司亦請新舊侍者特為茶次日當專致謝

因庫司特為新舊兩序湯藥石

草飯罷令客頭行者備盤袱爐燭上首知事詣新舊首座舊都
寺處炷香詞云今晚方丈湯罷就庫司特為獻湯伏望降重客頭隨後請云湯罷就坐藥石及
請新舊大小職事仍請西堂勤舊光伴設位排照牌位分四出
新頭首一出舊頭首二出舊知事三出莊庫四出新知事亦依
班排位獨維那就座光伴勤舊如方丈排位候方丈湯罷庫司
鳴板各依照牌立定都寺巡座揖坐畢燒香揖香依坐位出頭

巡問訊歸中燒光伴香歸位坐進湯湯罷起身出詣鑪前謝湯
畢抽衣就坐藥石

因堂司送舊首座都寺鉢位

維那於兩序進退三日後未開靜時分付堂司行者引人力挑
燈請舊首座都寺就堂司獻湯維那接入炷香喫湯畢白云清職
既滿山門禮合延送鉢位引至僧堂從後門入先送首座次送都寺歸各板
頭各觸禮一拜當日掛鉢赴堂

因方丈管待新舊兩序

住持特為上堂一一標名叙謝畢新舊人就座下拜謝請客侍
者令客頭行者備拌袱爐燭香合詣新舊首座都寺前炷香陳

請云請就寢堂管待客頭請以次新舊人并勤舊光伴寢堂設

位排照牌客集報住持出接各入座依照牌立定燒香侍者與

請客侍者巡揖坐畢燒香進卓侍者一班列住持前問訊入位

行湯下食畢至行飯時燒香侍者離位燒香下顯飭畢退卓鳴

鼓講茶禮與特為鳴鼓三下退座新舊人兩展三禮拜謝

四方丈特為新首座茶

管待了次早燒香侍者覆住持令客頭行者備梓袱爐燭香合

請客侍者寫茶榜式見前名詣首座寮炷香觸禮一拜稟云頭

排照牌侍者行禮並與四節特為禮同惟四板禮畢先收首座

住持盞首座直趨住持前行禮初展云此日特蒙煎點禮意過

再展叙寒温畢觸禮三拜首座從聖僧後右出堂前往持相送

復位執盞侍者燒光伴香畢收盞鳴鼓三下退座首座仍於法

堂下間候住持謝茶

新首座特為後堂大眾茶無後堂則

方丈特為茶了次早新首座懷香詣方丈拜請云齋退特為後

就雲堂點茶伏具狀後式見備盤袱爐燭詣後堂首座寮炷香拜

請云今晨齋退就雲堂點呈納狀訖受特為人令本寮茶頭遞

付供頭貼僧堂前下間封皮粘狀前次令堂司行者報眾掛點

茶牌長板鳴僧堂內巡請茶鳴鼓集眾行礼並

狀

前堂首座比丘

某

右某今晨齋退

就諸知事同垂

式

光降

狀請

後堂首座大衆

今日具位

某謹封

住持垂訪頭首點茶

茶湯禮畢住持齋罷往諸頭首寮點茶從容溫存點檢缺乏隨令庫司措辦

四兩序交代茶

伺方丈持為新首座茶畢次第新職事具威儀懷香躬詣各受

代人處挿香對觸禮一拜請云齋退拜屈尊隨令茶頭請兩序

各一人東西序勤舊各一人光伴西序請茶則知事分手坐於

伴如肩上人赴坐位相妨東序請茶則頭首分手寮中向內設

特為位主席分手位左右光伴人位齋退鳴寮前板接受特為

人次接光伴人入位揖坐燒香揖香燒光伴香入座下茶茶畢受

代人起將元請香挿爐中觸禮拜謝而退次日令堂司行者請

交代點心名勝一人光伴前堂首座則請西堂勤舊各一人光

伴若庫司一班請西堂勤舊頭首光伴庫司釘掛向裏設特為

位左右排光伴位頭首與主席分手同序隨班位次日點心坐位

同前西序止於知客東序止於維那凡侍者交代茶與點心當

請維那光伴設位行近時點心因而請客請鄉曲非禮也

四寮出寮茶

入蒙堂者白寮主掛點茶牌牌左小紙貼云某拜請合寮尊齋

罷備香燭普同問訊揖寮主居主位點茶人居賓位略坐起身
燒香問訊復坐點茶收盞寮主起爐前相謝 自蒙堂出充頭
首者點交代茶畢別日令茶頭報寮主掛點茶牌齋退鳴寮中
小板點茶人門外右立揖衆入爐前問訊寮主主位點茶人分
手位略坐起身燒香問訊復坐獻茶了寮主與衆起身爐前致
謝送點茶人出 自衆寮出充頭首者令茶頭預報寮主掛點
茶牌齋退鳴板先到衆寮門外右立揖衆入位立定問訊揖坐
進中間上下間燒香復中間上下間問訊仍中央問訊寮元揖
點茶人對面位坐行茶畢寮元出爐前致謝送出 入衆寮者
點茶禮與出寮茶同但寮元寮長分賓主位自不可入位坐

四頭首就僧堂點茶

伺點出寮茶畢具茶榜後式見令茶頭貼僧堂前下間具威儀詣

方丈請茶諸寮掛點茶牌報請預令供頭燒湯出盞庫司備茶

燭齋畢就坐點茶頭首入堂炷香行茶禮與旦望

榜某寮舍秋隘不敢坐 敷今晨齋退就雲堂點茶 中伏望 衆慈同垂 降重 今月日具位某拜請

式本山辦事禪師 鄉曲道舊禪師 江湖名勝禪師 合堂尊衆禪師

四兩序出班上香

凡出班上香行香鳴鈸維那出爐前向外偏立揖住持上香侍

捧次揖兩序相朝而出轉身問訊住持謂之然後上香若聖節

法師忌無借香門訊有立班西堂當先上香或謂首 座已出世當先上香者非蓋必與都寺同出班故也

兩序章終

大衆章第七

歸虛之水鄧林之木以聚者衆也今夫大方居衆千百倒廩而
 炊赭山而爨亦其所聚也而四方之來如歸若已所固有者果何
 爲哉蓋佛以人之流轉三界出沒生死惟明道悟性以超于妙
 覺則群生異類咸資其善而訓其徒以肖己爲然故人人待其
 徒猶待其師雖摩肩接踵而至惟恐奉之不及不以其衆而少
 怠也不然則有以尺地斗粟而相訟者多矣豈其獨愚且委其
 貲以廣吾居輟其殮以食吾徒吾徒之食于斯居于斯果何爲
 哉果何爲哉

沙彌得度

允行者初受度牒以袈裟托呈本師兩序各處挿香禮三拜選

日設旛剃頭

按律選處設座令於露地香水洒之周匝七尺四角懸幡今時多大殿須向佛或相對設座若法堂中

須設像花香燭如儀今僧堂中爲衆多便床坐也

先稟維那和會戒師并作梵閣梨引

請閣梨選日既定則隔宿剃頭頂心留髮

名曰周羅梵語周羅此云小結也設

戒師座凡與住持分手几上安香燭手鑪戒尺設作梵閣梨座
 几于聖僧右與戒師對几上安磬聖僧案前置袈裟直裰度牒
 於上自行堂鳴鈸引剃頭人出土地堂祖堂佛殿各處炷香禮
 三拜序立僧堂前鳴鐘集衆頭首住持俱入堂訖戒師二閣梨
 始入堂大展三拜各歸位大衆齊坐定引請閣梨至戒師前大

展三拜胡跪合掌戒師問云僧集答云集問云和合答云和戒

師云僧今和合何所作為答云為行者戒師云亦可引請收坐具起鳴手

磬引剃頭人入堂聖僧前三拜次戒師前三拜了就跪作梵闍

梨鳴大磬作梵云神仙五通人作者於呪術為彼慙愧者攝諸

禮益稽首云何梵願佛開微密廣為衆生說作梵訖復白云為剃

頭受戒者說戒師起座大眾俱立戒師秉爐白云戒香定香慧

香解脫香解脫知見香光明雲臺遍法界供養十方無量佛十

方無量法十方無量僧見聞普熏證寂滅一切衆生亦如是即

將今晨剃頭受戒開啓功德先願

皇帝萬歲臣統千秋天下太平法輪常轉伽藍土地增益威光

護法護人無諸難事十方施主福慧莊嚴合道場人身心安樂

師長父母道業超隆剃頭沙彌修行無障三途八難咸脫苦輪

九有四生俱登覺岸仰憑大眾念清淨法身毗盧遮大眾復坐

引請秉爐教沙彌云請師言向汝合自陳汝若不能隨復唱念

云大德一心念我某甲今請大德為剃頭受戒阿闍梨

願大德為我作剃頭受戒阿闍梨我依大德故得剃

頭受戒慈愍故剃頭人禮一拜再稱慈愍故禮二拜三稱

慈愍故禮三拜就胡跪合掌戒師云善男子沙彌應戒師云心

源湛寂法海淵深迷之者永劫沈淪悟之者當處解脫欲傳妙

道無越出家放曠喻如虛空清淨同於皎月修行緣具道果非

遙始從剋念之功畢證無爲之地所以大覺世尊捨金輪之寶
位子夜踰城脫珎御之龍衣青山斷髮容鵲巢於頂上掛蛛網
於眉間修寂滅而證真常斷塵勞而成正覺三世諸佛不說在
家成道歷代祖師阿誰行染度人所以佛佛授手祖祖相傳不
染世緣方成法器故得天魔拱手外道歸心上酬四重之恩下
濟羣生之苦所以云流轉三界中恩愛不能捨棄恩入無爲真
是報恩者出家之後禮越常情不拜君王不拜父母汝今可離
此座想念國王水土之恩父母生成之德專精拜辭後不拜也
沙弥就禮一拜引請鳴手磬引出堂外望北三拜謝恩復三拜
謝父母恩即更僧衣引入聖僧前三拜轉戒師前一拜胡跪合

掌戒師用淨瓶灌頂以指滴水於頂上執刀剃頭仍舉偈衆同

誦云善哉大丈夫能了世無常棄俗趣泥洹希有難思議三誦訖沙弥退禮一拜引請領

沙弥至本師前胡跪合掌本師執刀云最後一人乃能斷之周羅唯

爲汝除去汝今許否答云爾有垂示法語仍舉落髮偈云毀形守志節割

弘聖道誓度一切人三舉大衆同聲和沙弥就禮三拜仍胡跪合掌本師

持袈裟亦有垂示法語付袈裟置沙弥頂上復舉偈云大哉解

相福田衣披奉如來戒廣度諸衆生三舉衆亦同聲和畢沙弥披袈裟禮本師三

拜禮聖僧三拜禮戒師三拜胡跪合掌戒師云善男子法如大

海漸入漸深汝既出家當先受三皈五戒方得近事大僧次受

沙弥十戒乃可同僧利養事在專誠不得慢易我今爲汝召請

三寶證明佛事秉爐云 一心奉請 無邊佛寶 海藏經文

十地三賢 五果四向 同垂感降 共作證明 三請訖乃

云善男子欲求皈依戒先當懺滌愆瑕如人浣衣然後加色汝今

至誠隨我懺悔舉云我昔所造諸惡業皆由無始貪嗔痴三舉

眾三和沙弥三拜胡跪合掌戒師云善男子法既淨治身口意

業今當皈依佛法僧寶乃舉唱云 皈依佛 皈依法 皈依

僧 皈依佛無上尊 皈依法離欲尊 皈依僧眾中尊 皈

依佛竟 皈依法竟 皈依僧竟 如來至真等正覺 是我

大師 我今皈依 從今以往 稱佛為師 更不皈依邪魔

外道 慈愍故沙弥隨聲念眾皆和自皈依佛起至慈愍故通

疊之三則每誦一遍沙弥隨禮一拜二遍二拜三遍三拜就胡跪

合掌戒師云善男子汝既捨邪歸正戒已周圓若欲識相護持

應受五戒

不殺生

不偷盜

不婬欲 是五戒相汝能持不答云能持

盡形壽 不妄語

不飲酒

上來五支淨戒一一不得犯汝能持不答云能持是事如是持

沙弥三拜胡跪合掌戒師云善男子五戒為入道之初因出三

途之元首次受沙弥十戒形備法儀此稱勤策依師而住受利
同僧是爲應法沙弥應當頂受

不殺生

不偷盜

不媠欲

不妄語

不飲酒

盡形壽

是沙弥戒相汝能持不答云能持

不坐臥高廣大床

不花鬘瓔珞香油塗身

不歌舞作倡故往觀聽

不捉金銀錢寶

不非時食

上來十支淨戒一一不得犯汝能持不答云能持是事如是持
沙弥三拜胡跪合掌善男子汝今受戒之後當須頂戴奉持不
得違犯所持戒律供養三寶勤種福田於和尚阿闍梨一如法
教於上中下座心常恭敬精進行道報父母恩衣取蔽形不以
文彩食取支命不得嗜味花香脂粉無以近身好色邪聲一無
視聽徐言持正勿宣人短倘有爭者兩說和合男女有別草木
無傷非賢不友非聖不宗法服應器常與人俱非時不食非法

不言精勤思義溫故知新坐則禪思起則諷誦閑三惡道開涅槃門於比丘法中增長正業菩提心而不退般若智以長明廣化衆生祈成正覺用心如此真佛弟子沙彌禮三拜胡跪合掌戒師起身秉爐回向云上來剃頭受戒功德奉祝護法天龍伽藍真宰各展威靈安僧護法堂頭和尚常爲苦海之津梁執事高人永作法門之柱石合堂清衆同乘般若之舟剃頭沙彌共至菩提之岸四恩總報三有齊資法界有情同圓種智十方三世一切諸佛諸尊菩薩摩訶薩摩訶般若波羅密戒師仍就坐作梵闍梨鳴磬云處世界如虛空如蓮花不着水心清淨超於彼稽首禮無上尊

